



**Pruastg dado – ina fracziun da Lumbrein**  
*Giosch Gartmann preschenta l'istorgia da la fracziun da Pruastg e da la famiglia Gartmann.*

6



**Il miracul musical da Vargistagn**  
*Andreas Heggendorn ha realisà en l'Hotel Capricorn a Vargistagn in indrez musical extraordinari.*

11

# LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch



Al cortegi s'haja pudü müravgliar ils chars ornats cun prodots da la natüra.

FOTO B. STECHER

## Gronda festa in Val Müstair

■ (anr/bcs) L'ultima fin d'eivna han gnü lö la festa e marchà da la raccolta tradizionala a Valchava in Val Müstair. La festa es gnüda organisada per la traideschavla jada ed ha attrat var 5000 visitaduras e visitaduors. La culmaina da la festa es stat eir quist on il cortegi cun divers chars ornats cun prodots agriculs, cun scossas da bescha, chavras e da muvel gross. Per la part musicala d'eiran preschain-

tas duos societats da musica, ils corns da chatscha, las tübas e la gruppa cullas plumpas chi s'ha preschantada cun üna pitschna demonstraziun. Da la partida eir la gruppa da costüms e la gruppa dals uffants chi ha pisse- rà per blier colorit. A dretta ed a schneistra da la via d'eiran schur- mas da glieud chi ha giodü la parada.

➤ PAGINA 9



Daniel Severin da «Comthurey Alpinum» ha demonstrau con cumplaciu ch'ei fuva da sevestgir sco cavalier el temps medieval.

FOTO S. ROTHMUND

## Viseta el temps medieval

■ (anr/sr) Ina fiera cun products dalla regiun, il temps medieval ed il Meister da Vuorz ein stai la fin d'jamna vargada el center dils «Waltensburger Meistertage». Ils organisateurs han purschiu in program variont ed interessant als visitaders. Quels han per exempel saviu far visetas guidadas el museu, en baselgia ni era tedlar in referat digl anteriur tgrader da

monuments dil cantun Grischun Hans Rutishauser. Ils dis dil Meister da Vuorz ein sesplegai ton el vitg sco el casti da Munt s. Gieri. Leu han comembers da «Comthurey Alpinum» mussau co la veta el temps medieval veseva ora. L'Agentura da novitads rumantscha ha visitau ils cavaliers e la fumeglia.

➤ PAGINA 4

## Grischun in paradis per gourmets

Il «Gault Millau» 2019 è cumparì

DA GION NUTEGN STGIER / ANR

■ Andreas Caminada dal restaurant da luxus Schauenstein a Farschno è anc adina il meglier cuschinier da noss chantun. Per sia cuschina excellenta ha el danovamain retschet 19 puncts. Da ses restaurant deriva er la sommelière da l'onn, Anna Junge. Il Grischun è e resta in paradis per nas fins. Quai conferma l'ediziun 2019 dal «Gault Millau». En quella bibla per mangiabains figureschan 81 restaurants grischuns. En cumparaziun cun l'onn precedent èn quai sis restaurants dapli che anc en l'ediziun 2018 dal «Gault Millau». Dals 81 restaurants grischuns èn 12 da nov en la nova ediziun dal cudesch per gourmets. Numer in en noss chantun, cun 19 puncts da 20 puncts pussaivels, è anc adina Andreas Caminada, il cuschinier sur-silvan che cuschina dapi diesch onns sin in nivel figt aut en il restaurant Schauenstein en Tumlesta. En il fratem è el cult ed uschè popular sco in star da rock e pop. 18 puncts han be pli dus restaurants empè da quatter restaurants sco anc avant in onn. Quai èn il Homann's a Samignun



Vinavant il top-restaurant en il Grischun: Il Schauenstein a Farschno.

FOTO G. N. STGIER

ed il Talvo a Champfèr. Per in bun han il Da Vittorio, San Murezzan ed il Silver, Val cun la midada dal cuschinier. Set restaurants grischuns han ils experts valità cun 17 puncts. Da nov tranter quels sa

chatta l'Igniv, San Murezzan, in manaschi dad Andreas Caminada cun il cuschinunz Marcel Skibba. Gist 12 restaurants han retschet per lur cuschina da qualitat 16 puncts. Quatter da quels avevan

avant in onn anc 15 puncts. Quai èn il La Riva, Lai, il Nova, Flem, il Chastè, Tarasp ed il Weiss Kreuz, Malans.

➤ PAGINA 2

### ■ SAN MUREZZAN

#### Elecziuns da la suprastonza

(rtr) Dad otg candidats sa retira in candidat pervi da l'elecziun dal president communal – il rest candidescha per ils quatter posts en l'executiva da San Murezzan Maurizio Pirola retira sia candidatura. El aveva communigà gia la fin d'avust ch'el desistia d'ina candidatura per in'ulteriura perioda d'uffizi sche Christian Jenny avess da daventar president communal. Anita Urfer percenter ha communigà il cuntrari. Ella vuleva terminar cun la politica per motivs famigliars. Christian Jenny haja contactà ella e giavischà ch'ella candideschia anc ina giada per forza sa participar al nov team. Anita Urfer ha experientscha en la politica, e quest'experientscha vulesse il nov president sche pussaivel nizzegiar. Dals ulteriurs trais candidats che RTR ha contactà na dependa la candidatura betg dal president.

Els vulan s'engaschar per il vitg San Murezzan, e quai independent sche Christian Jenny u Sigi Asprion è a la testa. Dumengia, ils 14 d'october han lieu las elecziuns per ils quatter posts sco supprastants communs da San Murezzan.

## Spert e beinorganisau

Ils pumpiers e samaritans da Breil han trenau il seracass

■ (anr/ac) Ils pumpiers dalla vischnaunca da Breil han exercitau il seracass da cuminonza cun ils samaritans egl albiert dil militar a Tschuppina il vendergis vargau. Igl alarm succeda da sirena, mobein cun ina annunzia via telefonin. E quella annunzia ha il corp da pumpiers dalla vischnaunca da Breil inclus ina

part dils samaritans reschiert il vendergis vargau. Igl exercezi ha supponiu in incendi en il stabiliment dall'armada a Tschuppina cun nov personas blessadas. Ina incarica per las gruppas equipadas cun respirament da flad da tschercar e spindrar ils blessai per surdar els alla tgira dils samaritans. Ina buna organizaziun e stedia communicaziun durent l'ac-

ziun da spindrament valetschescha il cumandant Marcel Hürlimann per indispensabel per puder terminar il salvament cun success. El attribuescha a siu corp dad esser bein preparaus sin il seracass. Per il militar staziunau a Breil ei igl exercezi da spindrament da gronda impurtonza.

➤ PAGINA 3



Las gruppas da salvament dils pumpiers da Breil han giu da spindrar ils re-cruts blessai. foto a. cadonau



Servetsch d'abunents e da distribuziun: tel. 0844 226 226 mail: abo@somedia.ch